



中论释



429

我于未来世， 为作为不作，
如是之见者， 皆同过去世。¹

我于未来世中， 为作、为不作， 如是四句， 如过去世中过
答， 应在此中说。²

¹ 《般若灯论释·观邪见品》云：

或有如是见， 来世有我起，
来世无我起， 同过去有过。

² 《中论释·明句论·观邪见品》云：

[今者当遮依于后际的四见。

故次颂曰：

我于未来世， 为生为不生，
如是之见者， 皆同过去世。

如破过去世中四见， 亦应类遮未来世中四见。

如言：

未来世有我， 是事不可得；
未来世中我， 不作今世我。
若谓我即是， 而身有异相；
若当离于身， 何处别有我？
离身无有我， 是事为已成，
若谓身即我， 若都无有我。
但身不为我， 身相生灭故；
云何当以受， 而作于受者？
若离身有我， 是事则不然；
无受而有我， 而实不可得。
今我不离受， 亦不即是受，
非无受非无， 此即决定义。

如破一事类遮一切（余残）。

复次，

未来我不生， 是事则不然；
未来世中我， 异今亦不然。
若谓有异者， 离彼应有今，
我住未来世， 而今我自生。
如是则断灭， 失于业果报，
彼作而此受， 有如是等过。





复次，

430

若天即是人， 则堕于常边；

天则为无生， 常法不生故。³

若天即是人⁴， 是则为常。若天不生人中， 云何名为人？ 常法不生故， 常亦不然。⁵

复次，

来无而今有， 此中亦有过；
我则是作法， 亦为是无因。
如未来世中， 有我无我见，
若共若不共， 是事皆不然。

如是将偈中的过去世用未来世替换后亦应类破所余二见。]

³ 一、《般若灯论释·观邪见品》云：

若天与人一， 我则堕于常，
天既是无生， 常不可生故。

二、《大乘中观释论·观诸见品》云：

若天即是人， 天有乃为常，
此有即不生， 天有是常故。

⁴ 此中说天、说人，不约我说，是指果报法说。所以，除此等见，即是法空。

⁵ 《中论释·明句论·观邪见品》云：

[今者亦应遣破常等依于前际的四见。

若天即是人， 则堕于常边；
天则为无生， 常法不生故。

此谓有人于人中作福往生天趣。此中若天即是人， 谓是二即一者， 是则即堕于常边。是天即人者则不然。是故谓常者则不应道理。

又若是常者，

“天则为无生。”

所以者何？

以颂答曰：

“常法不生故。”

常法定有故不生。天即为无生。天若不生者则不然。以是且说常法不应理。]





中论释



431

若天异于人， 是即为无常，

若天异人者， 是则无相续。⁶

若天与人异， 则为无常， 无常则为断灭等过， 如先说过。若天与人异， 则无相续； 若有相续， 不得言异。⁷

复次，

432

若半天半人， 则堕于二边，

常及于无常， 是事则不然。⁸

⁶ 一、《般若灯论释·观邪见品》云：

若天与人异， 我则堕无常；
天与人异故， 相续者不然。

二、《大乘中观释论·观诸见品》云：

若天与人异， 异即成无常；
天与人异故， 相续无所有。

⁷ 《中论释·明句论·观邪见品》云：

[今说无常者亦不然。为明此义， 故次颂曰：

若天异于人， 是即为无常；
若天异人者， 是则无相续。

若天异于人， 即如芒果树不作山豆根因， 天亦不可与人同作一相续。是故先我灭故应堕于无常。若天人异者， 是则无相续。然天与人同属一相续。有此相续法可言。以有无因过故， 不得言天异于人。是故言无常者亦无是处。]

⁸ 一、《般若灯论释·观邪见品》云：

若天在一分， 人又在一分，
常无常共俱， 一处者不然。

二、《大乘中观释论·观诸见品》云：

若天是一分， 人亦是一分，
即常无常二， 成一处不然。





若众生半身是天，半身是人，若尔，则有常、无常。半天是常、半人是无常，但是事不然。何以故？一身有二相过故。⁹

复次，

433

若常及无常， 是二俱成者，

如是则应成， 非常非无常。¹⁰

若常、无常二俱成者，然后成非常非无常，与常无常相违故。今实常无常不成，是故非常非无常亦不成。¹¹

⁹ 《中论释·明句论·观邪见品》云：

[今亦当遮亦常亦无常者，故次颂曰：

若半天半人， 则堕于二边，
常及于无常， 是事则不然。

若舍人身一分而受于天身者，则成一分灭故应成是无常，一分自住不灭故应是常。若尔者，是半天半人所摄者则不然。（一身有二相过故。）是故此半常半无常者则无有是处。]

¹⁰ 一、《般若灯论释·观邪见品》云：

若常与无常， 二义得成者，
非常非无常， 汝意亦得成。

二、《大乘中观释论·观诸见品》云：

若常与无常， 是二可成者，
非常非无常， 随所欲应成。

¹¹ 《中论释·明句论·观邪见品》云：

[今破非常非无常见，故次颂曰：

若常及无常， 是二俱成者，
如是则应成， 非常非无常。

若先少有常者，后则见其无常相故应成非常。如是若先少有无常者，后则改转无常为常故，应成非无常。若时常及与无常，是二俱不可得成者，何得言有破是二事的非常非无常耶？是故是事亦不然。]

